

Erresuma Batuko Poliziak atentatuaren arriskuaz ohartarazi ditu juduak

Boikot saioen gainetik bake prozesuari tinko eutsiko diotela diote Rabin eta Husseinek

Erresuma Batuko segurtasun indarrek bertan bizi den komunitate judua ohartarazi dute beraien aurkako atentatu gehiago izan daitezkeela eta beharrezko babes neurriak har ditzaten. Herenegun interes juduen aurkako bi atentatu izan ziren Londresen, eta guztira 19 lagun zauritu ziren.

LONDRES-WASHINGTON

Lehenengo atentatua arratsalde hasieran gertatu zen. Israelek Londresen duen kontsuletxearen atzealdean zegoen bonba-autoak eztanda egin eta 13 lagun zauritu zituen, haien arteak bat larri. Handik ordu gutxira —Euskal Herrian gaurdia ingurua zen— hiriburuko iparraldean, Finchley auzoan, beste auto bat lehertarazi zuten zenbait erakunde judu dauden eraikuntzaren aurka. Atentatu hartan sei lagun arin zauritu ziren.

Atzo artean ezein taldek ez zuen atentatuaren erantzukizuna bere gain hartu. Hala ere, Polizia britainiarrek talde islamisten lana izan litekeen susmoa agertu zuen herenegun. David Tucker Scotland Yard-eko arduradunak prentsaurrekoan adierazi zuenez, «Ekialde Erdiko terrorismoa itzuli egin da Londresko kaleetara». Polizia britainiarra Israelgo enbaxadaren atzealdean bonba-autoa utzi zuen emakumezko baten bila ari dira. Lekukoek jakinarazi dutenez, ondo jantzita zihoan emakumezko arabiar bat ikusi zuten bonba-autoa gidatzen.

Scotland Yard-eko funtzionarioek baieztatu nahi izan ez duten arren, Londresko komunitate juduaren arduradunek salatu dutenez, Europako ipar-mendebaldean interes israelarren aurkako atentatu mehatxuak jaso dituzte azkenaldian Ekialde Erdetik. Eldred Tabachnik Erresuma Batuko komunitate juduaren lehen-dakariak azaldu zuenez, ohartarazita zeukaten Polizia haien aurkako atentaturik izan zitekeen beldur. Baina segurtasun indarrek ez zieten apenas jaramonik egin euren eskaerei.

Londresen gertatutakoak Belgikan ere gerta litezkeen beldur, Bruselako Gobernuak bertako komunitate judua babesteko neurriak hartzea erabaki zuen herenegun.

Juduak bizi diren eraikuntzetako segurtasun neurriak indartu egin dituzte eta kaleko kontrolak gogortu. Neurriok herenegun gauean bertan jarri zituzten indarrean Amberesen judu komunitatea handia baita bertan.



Finchley auzoko atentatuak kalte material handiak eragin zituen.

EPA

✓ **Rabinek atentatuaren egileak talde islamista arabiarrek diren susmoa agertu zuen eta talde horiek Irandik laguntza jasotzen dutela azpimarratu.**

BAKE PROZESUAREKIN TINKO

Eskuartearen oraindik frogarik bategi ez duten arren, Israelgo Gobernuak ere integrista musulmanei egotzi zien Londresko atentatuaren erantzukizuna. Yitzhak Rabin Israelgo lehen ministroak berak ere atentatuaren egileak bake prozesuaren aurkako talde islamista arabiarrek diren susmoa agertu zuen Washingtondik, eta

talde horiek Irandik laguntza jasotzen dutela azpimarratu.

Londresen interes israelarren aurka izandako bi atentatuak Jordaniak eta Israelek bi herrialdeen arteko akordio historikoa sinatueta 24 ordura gertatu ziren. Oraindik datu fidagarriak ez dagoen arren, haren aurkako protesta ekintzat hartu dituzte Londresko erasoak.

Hala eta guztiz ere, Rabinek

eta Hussein Jordaniakoak bakea lortzeko saioan aurrera ekiteko asmoa tinkoa agertu zuten, prozesua eteteko arriskua uxatuz, eta halako atentatuek prozesua bertan behera utz dezaten onartuko ez dutela azpimarratu.

Hussein Jordaniakoak, dena den, atentatuaren erantzukizunari buruzko zehaztasun batzuk egin nahi izan zituen: «Atentatu horiek ez daukate zerikusirik Islamarekin, ez daukate zerikusirik nire erlijioarekin». «Halako ekintzak egiten dituztenak», jarraitu zuen Jordaniako Hussein erregeak, «etorkizuna ikusten ez duten pertsonak dira... esperantzaren eta segurtasunaren etsaiak».

AIMaren aurkako atentatua dela eta, litekeena da Argentinak Iranekin harremanak haustea

BUENOS AIRES

Israelgo Gobernuak ordezkariak agertu duten moduan, Argentinako agintariek ere Iranek joan den astean Buenos Airesen izandako atentatuko egileak lagundu zituen susmoa agertu dute. Ildo horretan, Teherango erregimenarekin harreman diplomatikoak haustea litekeena dela azaldu du Argentinako Gobernuak, baldin eta Buenos Airesko hiriburuan dagoen Israelgo AIMA agentziaren aurkako atentatuarekin Iranek zerikusi izan zuela frogatzen bada. «Gogor eta berehala jokatu dugu atentatuarekin erlazio zuzen edo zeharkakoa izan duela frogatzen

den guztiarekin», azpimarratu zuen herenegun Guido Di Tella Argentinako Atzerri ministroak.

Atentatuaren nondik norakoak aztertzen ari den Juan Jose Galdeano epaileak Iranek Venezuelan zuen diplomatiko «damutu» bat galdekatu du Caracasen, eta itxura batean enbaxada hark atentatuarekin zerikusirik izan zuela frogatzen bada. Ikerketak sekretu handiaren ari dira egiten, baina Galdeanok herenegun kazetariei agertu zenez, «seko eroriko dira lurrera» berak egoki deritzon unean jakin duenaren berri ematen duenean.

Argentinako Barne Ministerioari iturriek adierazi dutenez,

atentatuari buruzko ikerketak oso aurreratuak daude, eta egun gutxitan «funtsezkoak gertatuko diren hari asko lotu» dituzte.

Gainera, Interpolen txosten batean oinarrituta aste honetan Argentinako prentsak argitaratu duenez, AIMaren aurkako atentatugileetarik bat Venezuelan sartu ahal izan zen joan den astean, eta baliteke da oraindik bertan jarraitzea.

Iranek Caracasen duen enbaxadak gogor erantzun die Buenos Airesko salaketei. Bertako diplomatikoei AIMaren aurkako atentatuarekin ez dutela inolako erlazioz izan azpimarratu zuen bizkor Hali Soleiman Iranek Venezuelan duen enbaxadoreak.

LABURREAN

ELTSIN kontent dago Estoniarekin lortutako akordioekin

Boris Ieltsin, Errusiako presidentea gustora azaldu zen atzo Estoniarekin lortu berri dituen akordioekin. Hauen arabera, Errusiako tropak Estoniako lurraldeetatik aterako dira abuztuaren 31 baino lehen, eta ordainean, Estonian dauden jubilatutako militar errusiarrak bertako biztanleek dituzten eskubide berberak izango dituzte. Estoniako buruzagiek ere gogobetez onartu dituzte akordioak ●

VENEZUELA: Perez etxean arrestaturik izango da

Venezuelako Auzitegi Gorenak Carlos Andres Perez presidente ohia Caracasko espetxetik atera eta etxean arrestaturik edukitzeko agindu du. Erregimen berria bere abokatuen eskaerari erantzunez ezarri zaio, ustelkeri kasuak direla eta espetxeratua dagoen presidente ohia. Auzitegi Gorenak jakinarazi duenez, Perezen etxean segurtasun neurri bereziak jarriko dituzte ●

KAZAKHSTANGO leherketan 25 lagun hil dira

Hogeita bost lagun inguru hil ziren Kazakhstango Leninsk hirian eraikuntza bat erori ondoren, Itar-tass agentziak jakinarazi zuenez. Bost solairuko eraikuntza erori eta 40 lagun baino gehiago geratu ziren hondakinen artean, gas ihesaren ondorioz gertatu zen leherketaren ondorioz ●

GANBIAKO estatu kolpea zuzendu zuena presidente

Yaya Jammeh, Gambian estatu kolpea zuzendu zuen tenienteak presidente izendatu du bere burua, Gambiai iratiak adierazi zuenez. Presidenteak militar eta zibilez osaturiko Gobernu eratu du, eta lehenbailehen hauteskundeak iragartzeko asmoa agertu du. Dauda Jawara, aurreko presidenteak hitzartutako nazioarteko konpromezuak bere gain hartuko dituela esan du presidente berriak ●